

氏雍嬪王氏陳氏

起葉相左僉都御史巡撫順天

壬申御史游居敬劾南京吏部尚書湛若水偽學并乞禁王

守仁及若水所著書毀其書院于是戒書院私創

乙亥行人陳儲秀推官陳讓李完楊勉學賈準包節姚虞知

縣董珪冉崇禮劉士達沈鉞吳悌張光祖蘇木周亮楊瞻宋

大本王惟孝鍾程張悌謝瑜錢籍並試御史

五月庚辰復陝西潼關兵備副使

壬午南京左春坊左諭德王教為祭酒

丁亥右都御史毛伯溫起復入朝命即之任上南征六事正

名用兵用人理財明賞協事其用兵曰廣西田州思恩泗城

左江右江湖廣永順保靖四川酉陽等土兵驍銳可用宜各

守巡官戢領之雲南土兵必照國公檄調他省兵毋泛調宜


聽臣選練貴州提兵李璋廣西副提兵叅將沈希儀皆謀勇

聽委廣西自憑祥州入經下鄰站濮上站過富良江即東都

廣東自欽州一日至永安雲南自蒙自二日至蓮花灘分道

並進云 上大是之

召兩廣總督潘旦還南京兵部



勅提督兩廣侍郎巡撫雲南都御史及總兵官偵莫氏

淮王祐棖薨

己丑右副都御史樊繼祖為兵部左侍郎

庚寅遼王致格薨謚莊王王病不視事委政毛妃通書史

沉毅有斷府中嚴肅賢聞于天下

乙未西河王府奉國將軍表寨以拒亡命行劫廢為庶人

戊戌雷震謹身殿鳴吻求直言

右僉都御史蔡經為右副都御史

乙巳左春坊左諭德張袞為南京侍讀學士

應天府丞吳山為右僉都御史巡撫四川

右副都御史蔡經為兵部右侍郎提督兩廣兼巡撫廣西

六月庚戌御史桑喬等上二事禁奸弊以節工役重邊防以銷

隱憂末劾禮部尚書嚴嵩工部尚書林庭楫兵部尚書張璠


提督西苑戶部尚書張雲

壬子崇王厚燿薨

甲寅戶工科尚書張雲林庭楫致仕

壬戌戶科給事中胡汝霖劾嚴嵩強辨有旨今後大臣被劾

宜靜俟



甲子南京吏部右侍郎林文俊卒贈南京吏部尚書謚文脩
文俊福建莆田人正德辛未進士授編修歷今官以講幄編
摩特優卹之

乙丑起秦鉞右副都御史大同儒學改試冀北分巡道
丁卯貴州凱口苗復叛九月平

固原州冰雹大如斗小如雞卵毀屋傷稼

戊辰還安南使臣鄭惟僚

癸酉虜入宣府指揮趙鏜敗沒

甲戌江西右布政司胡岳為右副都御史巡撫江西

吏部左侍郎溫仁和為工部尚書

乙亥左通政杜補為右僉都御史

丙子養心殿成是月思州天鼓鳴

七月壬午故南京禮部右侍郎劉瑞贈尚書隆慶中謚文肅


李默曰公儼屋溧陽嘗遣門人候之公引至臥內見四壁

惟掛書數束他無長物又二十年觴予峴山逸老堂了無

宿具旋以乳羊博市沽風雨瀟灑欣然達夜其風尚如此

嘗以為公投文似公幹治財似士安剛介不撓似器之至

于廉約質素家無金貨位列三事以功名終此與東牟劉



祖榮何異世稱二劉不其然乎

甲申左春坊左諭德江汝璧洗馬歐陽衢主試應天

乙酉涇王祐楫薨謚簡王亡子繼配魏氏求還葬西山許之

丙戌免隨州沔陽漢陽水災田租仍賑之

戊子南京禮部尚書霍韜與給事中尹相等爭坐相等劾其

怨望崇嘗飲郊壇松下戶部右侍郎袁宗儒期喪強之進表

後以期喪失實奪相等俸二月韜褻飲奪俸四月

壬辰暫停沙河行宮

甲午吏科給事中李瀚言文華殿成請時御經筵 上以有

言何待經筵謫浙江布政司照磨

戊戌免淮安鳳陽承天武昌黃蘗荆岳水災田租

壬寅召諭閣臣增立各陵功德碑

癸卯免寧國太平安慶田租遷河南夏邑縣城避水


乙巳御史韓岳言事掇拾謫滁州判官又御史蘇木請武官

終制謫灤州判官

前戶部尚書鄒文盛卒公安人弘治癸丑進士授吏科給事

中嘗出守保定累進撫貴州平香爐山叛苗入南臺至尚書

廉慎古朴雖持丰節而貌悛若庸人贈太子少保謚莊簡



辛亥皇子載堉生即殤進封穎殤王

八月壬子設員邱油幕上帝用玄配位用青

南京禮部尚書霍謐言吏部文選郎中楊青育秀私用承差

寫疏得賂坐選美官謫育秀

甲寅侍讀學士姚涑左春坊左中允孫承恩主試順天

雲南巡撫汪文盛言安南莫氏遣偽知州阮景裴行儉等入

覘被擒并大誥上之

庚申總督陝西劉天和上摠兵任傑議築新邊于徐斌水至

鳴沙州百二十里內遷紅寺堡退守以棄地奪俸六月蓋自

唐龍以來歲築王瓊所規塞至是築乾溝乾澗凡三百里以

扞東城缺柱梁家泉以備西造兵車獨輪輓之以施火器

辛酉禮部主事許論上九邊圖論

壬戌復卹兩京山東河南陝西浙江災傷勅撫按蠲賑


甲子免順天永平保定河間水災田租

乙丑聖母不豫輟視事

太常少卿兼侍讀學士郭維藩卒儀封人正德辛未進士

承天水災遣成國公朱希忠告顯陵

庚午吏部左侍郎張邦奇兼學士署院



辛未免兗州福泉韶州肇慶田租

甲戌皇子載壘生

虜四萬餘騎自野狐嶺犯大同東路副總兵郝鐘中路叅將張世臣等合拒之 棟夷至呼城下曰爾梁太師何在蓋規震之東也巡撫史道以都指揮徐珏等陣城下虜南掠懷仁而退寇宣府伏右衛城東柳溝以數騎薄城叅將張輔國遽逐之伏發大敗失千餘人輔國亦沒搃兵張鎮出兵水關懼而不前輒報虜退巡按御史閻鄰以聞

九月己卯增南京工部虞衡司主事一

吏部右侍郎張潮轉左兼學士仍直經筵兵部右侍郎李如圭改吏部

壬午安南武文淵遣使上進兵地圖言文淵世黎氏臣近據宣化有兵萬人其他舊臣阮仁運黎景瑁等數輩皆割地角莫氏賜文淵等冠帶金幣


甲申左春坊左中允孫承恩為南京侍讀學士
奪魯王觀熒三之二以淫戲無度男女裸浴戕亡辜若干人故有是命

戊子左副都御史張衍慶為兵部右侍郎

國權

嘉靖十六年

十一



己丑南京禮部尚書霍諤訐內閣吏部之短吏部選給事中
劉文光等忽報罷給事中李鳴鶴考察降調尋復其原官乞
陛下明示中外黜陟之故如出閣出密奏宣宣布在廷仍諭
吏部毋受指使鳴鶴疏辨命不得互排傷國體
脩撰龔用卿戶科給事中吳希孟使朝鮮

甲午申諭諸王表格鄭王厚烷上章弟而不臣稱皇兄不
帝號奪長官俸三月

丁酉命停刑


庚子郭勛李時夏言請立皇太子未許

癸卯應天程錄評語失注名又策問戎祀涉譏訕考官左諭
德江汝璧洗司歐陽衢逮下獄提調府尹孫懋府丞楊麒監
試御史何宏沈應陽下獄南京法司已謫汝璧福建市舶司
提舉衢南雄通判同考官學正許文魁等下各巡按就理貢
士王諷等罷公平

十月庚戌旌代王克燿孝行

總督糧儲右副都御史宋景還臺

壬子巡按廣東御史余光請遣使安南宣諭語引五季六朝
奪歲俸



免昌平歲派三分之一念其衝困也

前刑部尚書趙鑑平直隸壽光人成化丁未進士令蕭山拜御史守安慶順德歷撫甘肅改南京右副都御史理浙閩鹽

法入內臺轉大理卿上即位拜尚書乞休作五言古詩一

章賜之鑑謹厚無他才能而首被恩禮其後渥典寥大臣

以禮進退者鮮矣贈太子太保謚康敏


乙卯南京兵部右侍郎潘旦引疾語侵毛伯溫勒致仕

己巳作七陵祭器

壬申山東左布政使楊惟聰為南京光祿寺卿

癸酉故南京禮部尚書顧清謚文僖故兵部尚書王憲贈少保謚康毅清江南華亭人弘治癸丑進士授編修進侍講累至尚書好學敦行士論重之憲山東平人弘治庚戌進士令東邱滑縣進大理寺丞歷右都御史提督陝西三邊破虜功進太子少保廢錦衣百戶改南兵部尚書未行致仕改左都御史去官已起太子太保提督團營有才略閑于軍旅其勞績著于西陲上之初以先朝宿望摠內臺司本兵亦能臣之選

十一月丙子朔初南京禮部尚書霍韜與御史龔湜郭本訐奏



俱貸不問

丁丑吏部尚書許讚進太子少保

癸未禮部尚書嚴嵩摘廣東試錄如聖謨帝咨四郊上帝等

失崇上稱陳白沙倫于岡非君前臣名之義逮巡按御史余

光于法司考官學正王本等布政使陸杰等按察使蔣淦等

並下巡按御史

山西大同提兵官魯綱傅鐸俱以失事落職

庚寅脩築浙江海鹽縣海塘

甲辰前撫治鄖陽右副都御史夏從壽卒江南江陰人弘治

癸丑進士予祭葬

辛卯張延齡詞連張孚敬詔勿問

十二月丙午朔工部尚書甘為霖內官監太監溫壘緩陵工並

奪職郎中李仁下獄

癸丑鑿野雞等口上流初搃河于湛言河水入亳州經渦河

漸迫壽春王園今鑿野雞等口上流既可截渦河水又不至

迫陵甚利便從之


乙卯故會昌侯孫杲謚榮僖


己未故右副都御史周季麟贈右都御史謚僖敏

國權

嘉靖十六年

十五





封英耀楚世子顯槐武岡王融焯建寧王融焯長泰王譽燁
遂安王譽禧長壽王勤炎汝陽王載滋臨漳王恬定永年王

聰樹山陰王

右都御史毛伯温為工部尚書

癸酉戶部右侍郎王堯封為右都御史

甲戌皇子載壘生尋殤追封薊王謚曰哀

國權

嘉靖十七年戊戌

正月辛巳婦訴

上不許仍逮問

壬午江西陶器違期巡按御史陳哀謫韶州推官

癸未延綏總兵官劉文移鎮甘肅

丁亥太計降斥有差

己丑山西副總兵署都督僉事周尚文總兵鎮守延綏

國權

嘉靖十七年

庚寅天方國貢使求游覽中國卻之

壬辰巡撫陝西右副都御史任忠卒

房山人請採銀礦許之

乙未山西游擊將軍都指揮僉事祝雄為副總兵鎮守山西

真人張彥頌言常山知縣吳襄等不給駟乞給勅護行從之

下襄等于獄

御史吳悌請容應天貢士會試不許下悌鎮撫司尋釋

丙申再訊張延齡獄籍其家延齡以門客劉東山有機警任
為腹心百計養虎自為患也東山以此盡得延齡不法狀因

睚眦隙盡發奏之上方鑿漢書外戚患法無逸遂賜東山

第彰其能發奸也一時威震京師爪牙通都市流毒里巷出

乘大馬旗尉前擁役騎數十馳道不避公卿公卿耻遇抱徑

他往泉州陳讓為御史巡視東城素忿東山會東山與父劉


孜爭淫挽弓射父避匿母舅沈云所隣里訟至讓攝之都

人駭愕謂御史何妄也東山自知犯重避去讓索急獲之獄

具送法司東山伺讓短無所得因其娶妾杜氏假此誣奏乃

延齡戚屬故讓素厚延齡又測上意知陳讓名其奏不名第

云陳御史上不知為讓下錦衣獄又計讓寃必白欲禍獄殺



之以病中可也東山突入讓所罵曰爾亦來此耶直前擊讓

讓推仆之得免 上一日問李時凡月何不見御史陳讓言

事也時對方知之而讓疏辨 上命復官崔元等如故沒東

山產廷杖荷校死陳讓嘉靖辛卯泉州解元壬辰進士

庚子廣東潮州地震

壬寅禮部請釐正文體從之

江西漕運指揮陳欽等毆監充戶部主事鄭質夫

二月丙午南京尚寶司卿歐陽德為太僕寺少卿

丁未成都地震召南京戶侍郎袁宗儒于戶部

濬薊州運河

戊辰 上祭山陵發京師次沙河

巳巳至天壽山

辛未 上祭長陵餘遣祭還蹕沙河

壬申還宮

三月戊寅蘇州地震


巳卯固原州晝晦雨沙土寸餘

庚辰裁山東兗州同知一

辛巳巡按福建御史李元陽進尤溪縣甘露九甕薦太廟

國權 嘉靖十七年

三



乙酉署都督僉事郝鏜總兵官鎮守宣府

戊子廷策貢士賜茅瓚等進士有差

免各巡撫官入朝議事

癸巳琉球入貢

巡撫雲南汪文盛等傳諭安南屯兵蒙自之蓮花灘蓋要地也莫登庸子方瀛代位求贖罪廷議不可請正其罪毛伯温仍視師咸寧侯仇鸞總兵

巳亥戶部尚書梁材致任以提督倉場提督西苑農事戶部尚書李廷相代之仍兼學士

雲南左布政使劉漳為右副都御史巡撫遼東

陝西提督劉天和以被劾乞休奪俸三月

辛丑咸寧侯仇鸞為征夷副將軍總兵南征提督工部尚書

毛伯温改兵部尚書兼右都御史叅贊軍務

四月乙巳代府通祿山西巡撫韓邦奇奪月俸

丙午張鏞嗣惠安伯 張偉之子


丁未右副都御史王堯封為戶部尚書提督倉場提督西苑

農事

巳酉刑部左侍郎楊志學為工部尚書提督工程

國權 嘉靖十七年

四



朱岳嗣撫寧侯朱麒子

庚戌 上詣天壽山閱聖蹟亭于平臺山蓋 文皇帝所駐

蹕也遂發京師

辛亥起張鎮署都督僉事總兵官鎮守陝西

癸丑祭文皇帝于聖蹟亭還次沙河夏言行帳火燬章奏

引罪宥之

丙辰右副都御史秦鉞劾罷

提督兩廣軍務兵部右侍郎蔡經言安南用兵須兵三十萬

歲餉百餘萬石器犒等七十餘萬金今我力不給宜酌黎寧

足戡亂否如其不然勞逸之勢當審也欽州知州林希元請

速進師 上以廷論不協止仇鸞毛伯溫

初郭勛議復鎮守內臣并採礦課兵部執議不可 科給事

中朱隆禧等亦言之乃寢

鎮遠侯顧寰總兵提督漕運鎮淮安


巡撫鳳陽右副都御史周金為左都御史

庚申京師旱發賑

辛酉巡撫保定右僉都御史劉夔劾罷

魏國公徐鵬舉守備南京

國權 嘉靖十七年



甲子 上雩于南郊戊辰雨

脩撰趙貞吉請求真儒云徵聘之典 祖宗舊章 英宗朝
嘗舉江西儒士吳與弼 憲宗朝嘗徵廣東貢士陳獻章世
豈無斯人哉

丁卯南京兵部右侍郎蘇民改刑部右侍郎

兵部尚書毛伯溫巡撫順天右副都御史黨以平俱佐院

戊辰太原地震

辛未虜犯大同丁家村叅將張世忠等禦之斬二十六級

壬申刑部尚書唐龍終養

錦衣衛千戶范鏞等分勘山礦

五月甲戌吏部尚書許讚條入覲官宜裁革者八清里甲清田

糧清駟傳革總理稽庫積議宗祿禁興造議均役命行之

作沙河行宮

乙亥貴州布政司左叅政戴金為右僉都御史整飭薊州邊


備巡撫順天提督四夷館太常寺卿劉棟為南兵部右侍郎

福建左布政使陸鈞為右副都御史巡撫保定兼提督紫荆

等關

定武舉試牘分邊腹南方

國權 嘉靖十七年



丙子楊志學改刑部尚書

丁丑端午日宴百官于午門

辛巳前兵部尚書姚鏞卒浙江慈谿人弘治乙丑進士授禮部主事歷撫延綏工部右侍郎督易州山廠右副都御史提督兩廣平峯猛進右都御史太子少保未几討盧蘇不克落職久之起提制陝西未赴端巖寬大任職以公廉稱


六月乙巳山西遼州同州李文利上樂書四聖圖解二卷樂記補說二卷律呂新書補註一卷興樂要論三篇授太常寺典簿文利成化庚子貢士授思南府教授著律呂亢聲六卷嘉

靖三年御史范永鑾薦于朝不報

甲寅提理河道右副都御史于湛以母年九十歸養

丙辰禮部尚書嚴嵩等以前通州同知豐坊請復明堂尊

皇考獻皇帝稱宗入廟配天因議明堂秋享之禮宜即大祀殿行之至明堂配侑漢孝武以景帝孝章以光武唐中宗以高祖玄宗以睿宗宋真宗以太宗仁宗以真宗英宗以仁宗皆主于親也皇考功德甚盛當配天至于稱宗須天位相承未敢妄議上命再議戶部左侍郎唐胄上書爭之曰孝經曰郊祀后稷以配天宗祀文王于明堂以配上帝又曰嚴



父莫大于配天說者謂周公制禮未聞成王以嚴父之故廢
文王配天之祭而移于武王也今禮部不舉周初乃濫引漢
唐宋不足法之事 上怒下冑錦衣衛掠治削籍再議 獻
皇帝配秋祭 上著明堂或問示輔臣定議稱宗
設遷曰豐學士熙議禮杖戍白首荷戈坊其子也曾不少
顧調說干進終不見錄徒自敗耳
辛酉裁諸庫局巡視科道官從武定侯郭勛所奏
壬戌工部署員外郎皇甫運陵石稽緩謫黃州推官
丙寅改巡撫山東胡纘宗總理河道

戊辰巡撫山西韓邦奇致仕

虜寇宣府總兵郝鐘故債帥僅令指揮周冕禦之姚庄敗沒
七月甲戌撫治鄖陽右僉都御史于桂巡撫山西順天府尹曹

蘭為右副都御史巡撫山東


丁丑免濟南東昌兗州夏稅

庚辰復河南睢陳兵備道

壬午皇子載壘薨追封威王謚曰懷

已丑戶部右侍郎袁宗儒轉左光光寺卿王以旂為右副都

御史撫治鄖陽



辛卯採大理宜陽等銀礦

壬辰慈寧宮成奉 章聖皇太后居之

甲午大理寺左少卿周煦為右僉都御史

戊戌彰武卒楊質卒

貴州宣慰使安萬銓辭凱口之賞求進叅政不許

八月甲辰虜吉囊犯河西總督劉天和部署吏卒禦之斬百八

十三級進天和兵部尚書兼左都御史兼山西副使

孫顏潛師寇隆慶州入郭叅將丁璋素敢戰倉卒以家丁敗

之身被數創虜遂解去

乙巳蜀王邸火命治之

丁未衡王祐輝薨

丙辰張勳嗣彭城伯

故太子少保南京戶部尚書李元嗣贈太子太保謚康和

禮部尚書顧鼎臣兼文淵閣大學士直閣

許外戚指揮等官陪祀郊廟

庚申 憲廟端妃潘氏薨謚康順


乙丑工部尚書溫仁和改禮部尚書


丁卯行人吳從義席大賓余曠任道充張福知縣朱廷臣為

國權

嘉靖十七年

九





給事中行人高封何允魁蕭祥曜張祐鄭寅中書舍人包孝
國子學錄彭世潮助教周論知縣馮彬楊逢春為試御史福
逢春論俱南京

九月癸酉雲南地震

乙酉奉大享神位于玄極殿 成祖睿宗位于景神殿大享
增日月星辰雷風雲雨太社帝社太稷帝稷司土司穀八壇
丁亥南京右都御史周用為南京工部尚書

戊子日旁五色雲見

前總督南京糧儲右副都御史杭淮卒年七十七江南宜興

十人弘治己未進士

辛卯大享上帝于玄極寶殿奉 睿宗配詔示天下

壬辰金星晝見

癸巳定顯陵祭儀一如長陵歷朝諸妃別葬者皆從陵祭各

墳祭俱罷止立碣石

乙未 上謁山陵行秋祭禮次沙河又明日祭長陵餘遣祭

丁酉還宮更題長陵碑

十月癸卯刑部右侍郎蘇民卒

甲辰南京刑部右侍郎王爌為南京右都御史

國權 嘉靖十七年

十

丙午蒲縣地震已丑諭停刑

辛亥宣府總兵官張鎮失事免

癸丑巡撫河南王俊為南京刑部右侍郎

乙卯夜月食大同聚落高山二堡修築告成

戊午右僉都御史吳山廣東左布政使陸杰並為右副都御

史山巡撫南贛汀漳未巡撫湖廣

辛酉定至日具上南郊明日祭內殿行慶成禮上詣南郊

上皇天上帝尊號還詣太廟奉

十一月辛未朔太祖高皇帝后尊號太祖開天行道肇紀立極

大聖至神仁文義武俊德成功高皇帝孝慈貞化哲順仁徽

成天育聖至德高皇后

甲戌周王睦樞薨

乙亥令僉事久任在按察司陞轉


丙子禁游民斥生潛居京師

昌平古佛寺僧田園造妖言入京師偽授千戶陳賚安國公

事泄並誅

戊寅太僕寺卿李欽為右副都御史巡撫四川

庚辰示廷臣思親歌



癸未免甘肅田租仍賑之

禮科給事中顧存仁上五事廣曠蕩之恩釋譎成宗安靜之

吏重撫按之責精考察之政抑邪佞之風指吳璋葉廷秀道士上怒

杖六十安置塞上

甲申南京光祿寺卿楊維聰改太僕寺卿

乙酉賑武昌府

丙戌上詣太廟改題太祖高皇帝后土

總督倉場戶部尚書王堯封以狀支失嚴劾罷

巡撫山西都御史何贊乞復河套報寢

辛卯直上南郊還御奉天殿受賀詔赦天下母不與封拜長

壬辰宴百官于奉天殿祖世七陵之專論情則以中慈

乙未免江西旱災田租

崇信伯費斌卒傳嶺武山刻裏彭南大率士長信蘭其國因


丙申月掩房宿前開釋且奉慈帝設社之錫然臣謂殿廟由

丁酉吏部右侍郎李如圭為戶部左侍郎總督倉場督理西

苑農事計於太監強忠為奉社林祭禮劇也今出聖考子

十二月癸卯帝章聖慈仁康靜貞壽皇太后崩帝善報散

甲辰刑部右侍郎顧璘改吏部右侍郎合蓋外諸縣縣改



乙巳議遷顯陵梓宮于天壽山之天峪合葬仍詣親視

丁未駙馬都尉京山侯崔元為奉迎禮使兵部尚書張瓚為
知禮議護行使太監鮑忠為奉侍往祭顯陵


己酉太僕寺少卿蔣應奎往儀真督木
辛亥上御西角門群臣奉懇

勅太師武定侯郭勛知山陵建造事大學士夏言顧鼎臣因
知山陵建造事

壬子皇上發京師詣天峪山

巡按直隸御史陳讓上言日者上天降割聖母不延臣伏見

陛下仁孝悽惻遂議合葬 睿皇帝于天峪夫天峪必建造
睿陵以葬聖母論分則以配祖母七陵之尊論情則以申慈
闈同穴之義前事則可共祖宗以為敬後事則後依壽陵以
為安至矣盡矣臣特不忍遂慮獻廟之宅敢奏芻蕘 陛下
御極十有七年民謳宇謚雖上帝歆祐之錫然臣謂獻廟幽
宮龍穴極美臣意其中生氣含結必有紫茵點血玉液垂珠
之祥故佑 陛下以協在宥也禮曰葬者藏也今出聖考于
母孕之地如取之于其胎也雖梓槨重封能無疑哉古人事
死之禮先廟後墳是以黃帝登仙群臣葬其衣冠于橋陵舜



崩蒼梧之野莖九疑山蓋二妃未從也宜睿皇帝衣冠合葬
大峪山章聖冠帔合葬顯陵此臣之一見也 上斥其不經
削籍隆慶初贈光祿寺少卿
甲寅 上還宮
乙卯 少傅大學士李時卒直隸任邱人弘治壬戌進士授編
脩至入相數年雖無大匡弼而持論厚平時稱長者贈太傅
謚文康
戊午 免寧夏旱災田租
己未 伊王訥淳進白兔

諭輔臣免遷顯陵自往承天相視

夜月犯土星

庚申 封厚素淮王載境崇王載埴瑞安王弼杭肅王肅枋桐
鄉王壽楨延川王載琬太康王載堉陽夏王勤焮奉新王勤
煥義寧王克恭饒陽王


乙丑 議月晦除服 上以子刻初用祭服告祀立極寶殿猶
在服內也尋改玄色吉衣朝元旦

丙寅 上 慈孝貞順仁敬誠一安天誕聖獻皇后尊謚詔天
下工部左侍郎吳大田服貂仁禮奪俸六月

國權

嘉靖十七年

十五




國家圖書館, NATIONAL CENTRAL LIBRARY, TAIWAN, R.O.C.

丁卯大理寺卿屠僑為刑部右侍郎

虜犯深井堡大殺掠至清水河官軍列九營欲半渡擊之搃
兵江桓怯虜縱之出俘婦哭聲聞數里議者謂自來乘虜無
便于此桓罪深矣

備錄
丁卯大理寺卿屠僑為刑部右侍郎
虜犯深井堡大殺掠至清水河官軍列九營欲半渡擊之搃
兵江桓怯虜縱之出俘婦哭聲聞數里議者謂自來乘虜無
便于此桓罪深矣



國權

嘉靖二十年辛丑
監官設遷孺木著

嘉靖二十年辛丑

正月戊子朔 上疾不朝是日雪夏言嚴嵩温仁和張邦奇張

潮孫承恩各上靈雪頌

乙未南京戶部右侍郎汪珊卒

丙申 上朝群臣


前吏部郎中薛蕙卒字君采亳州人正德甲戌進士自刑部
主事改銓以議禮去官年五十九所著老子解西原集行世

國權

嘉靖二十年

一

國家圖書館, NATIONAL CENTRAL LIBRARY, TAIWAN, R.O.C.



唐順之曰先生少嘗刻鏤于詩世絕喜其工今所傳西原

集者其少作也既志于道則棄不復為雖為之亦絕不較

工與否然西原集世事慕效之而約言老子解好者希矣

戊戌吏部大計

壬寅免廬鳳淮揚徐滁和災租

丙午西海虜卜兒孩款塞

己酉郎中林春主事許穀被劾不聽吏部

壬子前刑部尚書楊志學卒湖南長沙人弘治癸丑進士授

戶部主事至今官嘗撫寧夏有柳門卻虜功贈太子太保謚

康惠

前刑部左侍郎陳瑞卒

丁巳大同巡撫史道被劾乞休不許

二月戊子朔湖廣巡撫陸杰以顯陵軍校侵民田與太監傅霖

交奏奪俸三月

癸亥兵部右侍郎陶諧轉左侍郎右副都御史王以旂為兵

部右侍郎河南左布政使范鏗為右副都御史巡撫寧夏


甲子禮部尚書溫仁和侍讀學士張袞主禮闈

乙丑李應臣嗣襄城伯全禮子

國權

嘉靖二十年


二



顯陵寶城及舊宮殿成頒賞免承天田租三年

丙寅御史楊爵言今天下因仍苟且兵戎廢弛奢侈僭越公私困竭奔競成風賄賂通行遇災變而不憂非祥瑞而輒賀士習民風于此大壞在陛下轉移率勵之何如耳去年自夏入秋恒暘不雨歷今無雪此誠徹樂減膳之時而大學士夏言等稱頌靈瑞欺天罔人不已甚乎翊國公郭勛中外皆知其大惡大蠹乃使其稔毒潛干政柄令群兇趨附善類退處此任用匪人之過也比來四方飢饉相仍小民委命溝壑此誠節用惜財與民休息之期而土木之興十年不止腹民

膏血而不知惜昔隋以盛脩宮室至于亡國此興作太多之過也陛下初年嘗以敬一歲頒示天下頃來朝儀間濶經筵不御臣恐人心怠惰中外渙散此朝講不親之過也方士執左道以惑衆聖王所必誅者今乃紫金赤紱徧于羽流以妖誕邪妄之術列清禁森嚴之地而藉以為聖躬之福何哉貽四方之笑取百世之訛于聖德國體所損不小此信用方術之過也陛下臨御之初延訪忠謀虚心納諫人得盡所言往年太僕卿楊最言出而身亡近日左贊善羅洪先等皆以言罷斥臣恐忠臣結舌讒諛盈廷而上下之情不



相通矣此抑阻言路之過也 上怒逮之爵方便以使還里

緹校至時麥飯盂蔬饗按臣食畢即行校請治裝曰貧不治
裝請內別曰君命也寧自使其私乎妻子牽衣哭爵麾之校
皆吐舌云楊君慷慨乃爾逮至下詔獄杖之居數日視無恙
復杖之備受酷訊晝夜困梏鎖莫敢寬生臥處血可抔也京
師暴風揚塵二日人呼楊爵風云

庚午方士段朝用其徒王子巖以丹術不驗計之下朝用鎮
撫司

壬申大風霾

乙亥 上喜邊警息勅獎大學士夏言

丙子築陝西三邊墩堡

戊寅承天知府吳惺乞脩府志遂下巡撫工部尚書顧璘任
之璘聘故壽州同知王廷陳亳州知州顏木纂脩


宗室多越閔奏瀆命以後犯之俱幽鳳陽

己卯右副都御史胡守中為左副都御史

甲申封德妃張氏

虜入甘肅搃兵官楊信敗卻之

虜寇蘭州叅將鄭東敗沒



三月庚子定勲臣歿後畢塋子孫方得嗣爵

辛丑策貢士賜沈坤等進士出身有差

追賜故刑部尚書崇德潘蕃祭葬

壬寅科道巡視光祿寺歲額年終冊報

癸卯福州地震

己酉督工工部尚書甘為霖回部仍督工


庚戌太僕寺卿汪玄錫為右副都御史巡撫江西

壬子 上憂旱禱雨西宮

鎮溪叛苗平


四月丁巳朔前總理應天糧儲右都御史陳鳳梧卒

己未宥安南莫登庸罪詔曰安南自昔本屬中國至宋受王
封始淪于夷若陳氏傳世久遠又知慕義納款為我 太祖
嘉獎著訓後人毋伐其國止因賊臣黎季犛弑主日焜又殺
其孫天平上干我 文祖震怒始命將討平郡縣其地是出
交人于水火不謂黎利復肆鼓衆作叛又詭詞請封我 宣
宗皇帝念息兵未久推聖祖為陳氏意以恤交人姑置不問
累朝因之朕即位以來黎氏久不來庭將奉詞伐罪節據勳
奏乃知莫登庸竊據其罪狀未明恐僂及無辜暫遣文武大



臣從宜撫勦今登庸既面縛軍門納土請罪是與二黎凶悖
有間察其降表與國人代陳情有可原姑從赦宥茲為交人
永圖革去王號不許稱國庶免亂賊接跡相叛登庸久為交
人附屬准授職印奉正朔朝貢仍許其地置官屬以便統轄
其人民土地朝廷無所利之上進莫文明等午門外賜金
錢有差兵部尚書張瓚等言安南故有海陽山南山西交州
交北安邦諒山太原宣化興化清華人安順化十三路請比
土吏令甲每路各設安撫司安撫使一同知一莫氏得自黜
陟歲附貢使以聞正朔儀部比朝鮮例頒歷故事安南國王

三歲一貢御前皇太后中宮皇宮方物有常今既除吏祇
貢御前他一物勿許上從之授登庸安南都統使司從二
品給銀印勅曰朕奉天命居中國為華夷主惟欲輿圖之外
四裔俱安守其土疆輯寧民人庶稱朕一視同仁之意爾安
南古蠻夷地自秦漢以來立為嶺南大郡入我中國久矣高
官大爵受命中朝歷世相回至宋始封王稱國遂使茲土復
淪于夷我太祖高皇帝汎掃虜羶中京甫定陳日焜首先
納款因而封之且著之聖訓令後人毋伐其國嗣因黎季犛
篡滅陳氏我成祖文皇帝始命將討平再勞王師求陳氏



門召見群臣共脩省

壬戌給事中胡汝霖巡城御史聶靜李乘雲劾大學士程鑾
救火之緩上責其私忍俱下鎮撫司謫汝霖太平府經歷

靜建平縣丞乘雲太倉州判官

甲子暫罷大禘禮

乙丑上躬謝南郊停內外工作

丙寅謝北郊暫蘆溝橋役

丁卯上祭告景神殿及太社太稷

己巳上祭告帝社帝稷

庚午始御西角門視事


給寧夏總兵田三頃六十畝副總兵百五十畝游擊將軍百
二十畝蓋養廉舊有田

甲戌刑科給事中戚賢等劾郭勛張瓚樊繼祖李廷相胡守
中等薦聞淵熊浹劉天和及兵部郎中王畿主事程文德等
上以王畿偽學責對賢引罪謫

議浚黃河孫家口等濟漕舟

丙子上青袍御奉天殿寬恤天下


戊寅奉安成祖仁宗帝后神主自二陵迎入京



已卯禮部郎中熊過繳詔書不至謫
戶部主事周天佐言示人以言未若示人以政求言之切乃
示人以言耳而御史楊爵之獄未釋是未示人以政也爵在
獄已經數月聖怒之下一則曰小人一則曰囚犯以盡言極
諫為小人則為緘默逢迎之君子不難也以奉職納忠為囚
犯又孰不為容悅寡過之臣哉臣願陛下察爵之心特賜
釋放由此而天意不回未之有也 上怒杖六十下鎮撫司
獄創甚兩夕卒年三十一妻 氏撫屍哭几死無子天佐嘉
靖乙未進士

楊爵曰嗚呼遭際之不易蓋自古皆然也士當摠非藏而
脩之于家塾焉及名登仕版君恩所同造次顛沛而罔敢
易也顧以脂膏依阿之風勝而三極大中之矩浪然于流
靡波蕩之洶涌而承以孑然獨立之身斯時也必欲上不
負吾下不負所學其不殺身而成仁身之恨者鮮矣天
佐之死天地為之震動路人為之流涕嗚呼天也命也不
肖爵之罪也復何尤

江西進賢人熊思榮上敬一箴註解欲頒行之且請布衣與
科目並用以妄言下法司論死



辛巳洮州衛地震

乙酉漢中流盜平

五月丙戌朔賑保定飢

丁亥漕河淤河道都御史郭持平鑄三級餘一級戴罪脩理
兵部右侍郎王以旂兼右僉都御史督理河道以旂言黃河
南徙徐呂二洪運涸今遽議海運固難而山東平度州新河
元時建閘通舟南達安東北抵直沽悉行內洋路徑且亡險
此皆今日當與引沁通衛之說並議又景泰弘治間大臣如
徐有貞白昂劉大夏俱有事于河其時極力排河不資以濟


運以黃河勢猛而流濁來則衝決去則為淤不可藉且遷徙
靡常害多利少今幸南徙惟疏山東諸泉入之洪沛以南仍
築長隄障水如閘河制務在漕道濬利從之罷議海

湖廣布政司右叅議方遠宜乞開海運報寢

戊子議廟工起潘鑑工部右部侍郎兼左副都御史往湖廣
應天府尹戴金為左副都御史往四川工部郎中應鳴鳳方
民悅分佐之督採大木

吳家彥嗣清平伯 吳傑之子

己丑南京禮部右侍郎崔銑致仕



罷鑄錢息不償費也

辛卯夜月犯木星

壬辰虜犯開原叅將孫繼祖擊斬二十三級備禦指揮金潮死之

戊戌遣文武大臣禱雨

己亥叙卻虜功甘肅巡撫陳卿進兵部右侍郎總兵官楊信

署楊督同知

甲辰停陝西遣官市馬

戊申巡撫順天右僉都御史徐錦自引去

前南京禮部右侍郎崔銑卒字子鍾安陽人弘治乙丑進士

授編修忤逆瑾調南吏部主事瑾誅還翰林秩滿進侍讀嘉

靖初進南祭酒改少詹事兼侍讀學士未几擢南部博學好

古行履脩潔不妄取海內稱焉中廢居涇上十六年折衷群


言廣授徒以師道自任學者稱後渠先生贈尚書謚文敏

庚戌徐夢暘嗣興安伯

壬子司禮太監鮑忠錄囚

癸丑山東濟寧盜起

甲寅發帑金五萬賑遼東



河南固始縣孕婦產龍于淮水涯

六月丙辰朔陝西右布政使喻茂堅為右副都御史撫治鄖陽

豁畿內營屯增課

丁巳定各路水利官毋他委

戊子琉球國中山王尚清來貢

欽天追光閣成

己未朶顏衛都督草蘭台自以捕虜功求增六百人入貢不

許勅諸邊戒嚴

免順天永平災傷田租

壬戌陝西行都司地震

閉浙東礦場

甲子肅州衛地震

戊辰遼東叅將趙國忠擊虜于太原堡敗之斬百二十級

己巳錦衣衛右都督陳寅都督僉事張奇上 皇考聖母御

製事蹟

壬申大賑山西飢

癸酉刑部尚書周用右侍郎衛道張越大理寺卿董天


南京

錫鴻臚少卿胡森太僕寺卿李舜臣俱自陳致任祭酒鄒守

國權

嘉靖二十年

十二



益疏觸諱落職

甲戌河南右布政使龍大有為右副都御史巡撫大同

壬午總督漕運右副都御史周金為尚京刑部尚書

大同天鼓鳴

七月丙戌火毬如斗墮左軍都督府中門久之滅


丁亥華州同州地震如雷

南京前府食祿誠意伯劉瑜卒

丙申免濟南災租仍賑之

丁酉治宣大失事諸臣總兵官白爵免

俺荅款大同塞求貢時俺荅阿不孩強盛屢入掠至是遣所
掠漢人石天爵言許市易漢達兩利近以貢道不通每歲入
掠比因人畜多災卜之神言入貢吉若許即歸報彼約束其
下令邊民墾田塞中夷衆牧塞外永不相犯否則徙帳北鄙
而縱精騎南掠撫臣史道以聞時待命邊外屢向哨卒詢進
止日一邀守墩百戶李寶下墩席地飲酒載以馬擁入俺荅
營子宴常有執戍卒掠其衣糧者俺痛懲之遣夷使送哨卒
衣糧還巡按御史譚學復以聞請速定大計准貢則後虞當
防不准則近害立至且請多發兵糧遣知兵大臣調度廷議



以虜校不許命添注兵部尚書樊繼祖兼右都御史提督宣
大兵部右侍郎任洛左副都御史張珩前推搃督山西珩以
鄉鎮辭或譖之怯不受並劾免
癸卯免西安鳳翔鞏昌田租
丁未免開封田租
台州山中豨與龍鬥水大作壞臨海天台太平田廬亡筭
八月甲寅朔御史葉經劾嚴嵩汚首通賄宗室下所司初交城
王諸孫輔國將軍表相謀嗣封永壽王秉樞庶子惟熈與嫡
長孫懷塏爭國嵩俱納賄為請勘夏言擬旨多右經語嵩急

歸誠于上不問

辛酉 昭聖恭安康惠慈壽皇太后張氏崩即日發喪諭禮
部曰 昭聖雖伯母朕母事之自十七年秋事不得不自防
爰以愛 宗社朕故不敢躬詣問安遇事必遣內侍請問今
喪禮有定式奠祭內官代行朕生辰免賀


設遷曰 昭聖手授金符致躋九五之上恩莫厚焉稍隔
一膜終涉阻構觀 上所札諭雖賓天之痛猶有夙卻大
隧之咏誰為穎考叔以動之哉

壬戌頒遺詔

國權

嘉靖二十年

十四



翰林學士張治為南京吏部右侍郎

甲子俺荅阿不孩犯石嶺關嚮太原吉囊入平虜衛各數萬
騎命保定副總兵周徹守紫荆倒馬等關叅將任鳳領京兵
三千人 上聞虜深入平定孟縣令東官廳總兵趙卿以二
千人赴真保山西酌禦
起翟鵬右僉都御史總督直隸山西河南兼理糧餉左副都
御史胡守中為兵部右侍郎兼左副都御史總督薊遼
增直隸密雲叅將一
起總兵官周尚文等

戊辰禮部左侍郎金贊仁秩滿廕其徒協律郎陳自暹後不
為例時贊仁署太常寺事


己巳虜二千騎入大同長安嶺

甲戌虜移營太原北道游擊將軍周宇戰于侯城村敗沒虜
越而南殺掠亡筭

乙亥安南莫登庸死或曰義子阮敬鳩之後莫文明告變亦
然孫福海主國事

丁丑上 孝康靖肅莊慈哲懿翊天贊聖敬皇后尊謚

己卯廣西副總兵署都指揮使張經為都督僉事仍故任以



平猛功

庚辰夏言以疏對謬悞切責因乞休 上怒落職以少保武英殿致仕言復條上備虜事宜下所司

辛巳兵部尚書兼右都御史毛伯溫署院趣之

癸未逮山西總兵官魏慶及游擊周宇守備雷澤高宗泰邢勳李承祖劉珮去年秋失事追劾

虜驟至寧武關石湖嶺山西副總兵丁璋戰沒

吏科給事中邢如默等會推邊才舉及御史段汝勵等程鑾如黨被劾謫徽州推官

九月丙戌禮部左侍郎陳經為戶部尚書提督倉場督理西苑


農事刑部左侍郎吳山為尚書四川左布政使柴經為右副都御史提督操江

戊子朶顏衛都督草蘭台以不得請當萬壽節不入貢部諭讓之仍悔謝

山西虜自大同左衛出塞

庚寅工科給事中張思改檢討避其兄通政司忠

俺荅入平虜衛至朔州欲復犯山西命樊繼祖遏之趙卿扼寧武關



辛卯右僉都御史劉訥為左僉都御史大理寺右少卿梁尚
德為右僉都御史

壬辰工部左侍郎鄭紳為工部尚書

甲午行大享禮于玄極寶殿

乙未南京工部右侍郎葉相為刑部左侍郎右副都御史周
煦為左副都御史起張景華右副都御史


大同壯士劉文明等糾眾斬虜六十四級擒十人獲諜二十
二人功出官軍上授千戶所鎮撫山西雖慄悍善射以未習
虜多走山谷間值虜即授命亡敢抗至是忍久合村落為鬥

至平遙居民搭白椹格虜、稍卻

提督樊繼祖累上捷科道劾其妄命兵科給事中龍遂御史
傅鎮按之

翊國公有罪下獄勛怙寵驕恣初給事中李鳳來等劾郭勛

其私屢科斂事下左都御史王廷相等按之巡城御史車邦
祐覈勛戚私屢惟勛甚餘則英國公張溶惠安伯張鏞外戚
指揮錢維垣夏勳方士段朝用等因叅勛怙勢斂怨命收其
私人孫濬等下鎮撫司勛疏辨先是清役卒釐奸弊給勛勅
非所便久不受至是被劾疏辨臣奸何事黨何人何煩賜勅



上怒其抗責陳鏞王廷相不即對各引罪鏞奪俸廷相削籍
于是刑科都給事中高時盡其短云代張延齡治家 上
怒下勦鎮撫司各御史童漢臣等攻之下所司密諭指揮孫
綱去刑具 上意不欲死之也己都察院逮勦戚貂璫四百
人諸司莫敢問負外郎錢德洪按以違勅等罪法當死 上
抵奏于地不報明日又奏又不報高時諷給事中周亮劾德
洪律法不明併下詔獄已論勦者日數上勦論死而法司請
錄妻子籍財產奪誥券 上竟不報
設遷曰諺云小兒常病傷于飽貴臣常禍傷于寵郭勦因

十
議禮稱旨私伺 上之怒喜而竊之既威福自己出屢借
條對飾其短而樹其權以貴溪之重相猶無當于心不敗
何待然敗而人主猶思之何以服四凶于天下哉

乙亥南京戶部尚書劉天和改兵部尚書提督團營軍務


庚子禮部尚書溫仁和致仕

成國公朱希忠提督團營并五軍營

癸卯作秋報大齋于朝天宮

免浙江台州災租

甲辰陝西淳化縣有大星夜流東南聲如雷



辛亥虜深入至石州命集議防邊

并陞闕城設兵備副使

壬子山西提學副使胡松上禦虜十二策懲苟玩修障塞懷
攜貳慎選授廣問諜嚴脩禦核屯戍

兵

部尚書張瓚嫉其言請如松官即行之尋遷左叅政脩三閔
老奸之巧中人如此

工部右侍郎楊麒為左侍郎巡撫貴州韓士英為工部右侍
郎南京太常寺卿屠楷為南京工部右侍郎

十月癸丑紀功科道官張翼翔張光祖劾總督樊繼祖等失事


責戴罪力戰

上念山西連被虜詔復徭役二年發六萬金以戶部侍郎張
漢賑之

巡撫山西都御史陳講免

癸未吏部文選郎中林春卒江南泰州人父潛卒獨與母妻
織屨攻書壬辰南省第一進士授戶部主事調吏部主選故
事於厓岫鎖門謝客春長厚清苦日講學不失年四十四遺
索四金不能棺

馮時可曰公嘗有言天然之門盎然出之不作好醜不為



我偶不為人觴何醇而粹若此考其為人居官抑何實其
言不爽也唐應德先生稱公行必愜乎人之所安故不為
鬼崖斬截之行言必衡乎力之所抵故不為要眇浮瀾之
言知言哉予又以公雖不鬼崖斬截而官廷且峻不要眇
浮瀾而津瀾自遠庶几可得公

十一月癸未朔南京兵部右侍郎王教卒

戊子閉薊州銀礦

己丑總督薊遼胡守中科罰橫斂作來遠樓并伐塞上木撤
藩蔽令御史段承恩翁正倫勘之守中復繪城濠樓櫓作屏

三進 上及東宮請樓名切責之

癸巳 上南郊用烟火不合禮除之

免潼川廣安蓬劍遂寧蓬溪樂至安岳中江鹽亭富順內江

西充儀隴渠縣威遠南充大竹災租

完運宣府十萬石大同十五萬石俱輸懷來倉發帑二十萬

金脩築三關


增西安州游擊將軍領三千人備援蘭靖莊浪

丁酉巡按河南御史陳蕙劾開封知府賈應春以蕙先後考

劾互異俱免官

國權 嘉靖二十年

干



停理清鹽法都御史并議餘鹽，筭開中有常股存積法皆
輸邊而掣運于運司其餘鹽則輸運司以鬻餘鹽行而存積
廢上遂罷餘鹽

壬子選庶吉士高儀董份陳陞林樹聲潘仲駿嚴訥徐養正
高拱葉鏜吳三樂呂時中何雲鴈曹忬夏子開萬士和王言
徐南金王顯忠蕭端蒙楊宗氣王三聘晁琛何光裕陳以勤
林茂和王應鐘梁紹儒裴宇王材王文熊彥臣彭世爵張鐸
上手製題文曰原政詩曰讀大明律

癸卯南京吏科給事中王燁劾尚書張瓚嚴嵩侍郎胡守中

俱結納大奸郭勛瓚則分賄嵩則代營邸第守中則縱妻赴
飲近又劾勳賣直乞斥之章下所司


乙巳金星晝見三日

紀功給事中張翼翔御史張光祖以脩邊報緩削籍

戊申罷冬至朝賀

前南京中府都督同知楊宏卒宏西安左衛指揮使廉勇博
覽初守備固原虜入掠撫臣欲飾奏宏曰失事罪小欺君罪
大累功至大將

改紫荆關守備為叅將



十二月壬子朔增設陝西關南道叅議于金州與漢中按察副使分治

乙卯免山西田租有差以災傷虜患

進士齊準等九十二人依親許之

丁巳定巡按官不得奏捷與職方官不得以邊功并叙

巡撫大同龍大有叙功及于閣部上以邊功歸閣部非制

後叙及者叅劾

丁卯禱雪

戊辰臨清獲虜謀一人下詔獄

乙亥增遼陽游擊將軍領三千人專援開原遼陽

丙午前侍講學士廖道南上顯親達孝頌清北八歲平南九

歌報傳

戊寅封緡炯肅世子融域襄城王宸瀟建安王勤權曲江王

睦梓邵陵王勤燁昨城王睦柯鄔陵王成鏐襄垣王觀熿鄒

平王


庚辰御史陳時為右通政

禮科給事中章允賢劾提督薊遼兵部右侍郎胡守中奸利
亡耻等事下守中獄論死

國權

嘉靖二十年


三



國家圖書館, NATIONAL CENTRAL LIBRARY, TAIWAN, R.O.C.


辛巳御史伊敏生鄭芸陳策劾嚴嵩京邸乃郭勛代治宜籍
沒各降一級

庚辰翰林院檢討鄭芸奏為嚴嵩父子專權蔽賢壅蔽聖聰
乞將嚴嵩父子革職等因奉旨嚴嵩父子專權蔽賢壅蔽聖聰
著交部議處欽此








國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.





TIFFEN Color Control Patches


© The Tiffen Company, 2007



國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.



國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.



319341 7 v.34

國家圖書館, NATIONAL CENTRAL LIBRARY, TAIWAN, R.O.C.





國權

嘉靖二十一年壬寅

正月壬午朔 上御殿受朝

鳳陽晝晦星見飛鳥歸巢

丙戌御馬監太監麥福奏勇士營多脫伍請補五千人兵部
言額故五千三十人安得脫逃至此不許

戊子吏部尚書許讚以邊匱請發帑借俸括財贍爵 上以
借俸括財非盛事也不允


國權

嘉靖二十一年

一

國家圖書館, NATIONAL CENTRAL LIBRARY, TAIWAN, R.O.C.

蓋官設遷孺木著



裁餘鹽置印簿

己丑始許元夕奏政事向例元旦至元夕不奏事至是毛伯温朝見

庚寅巡撫雲南都御史汪文盛甫聞命疾許以免

辛卯大雪群臣請賀優答之

丙申增戶部山東浙江陝西河南江西山西司主事各一

丁酉前刑部尚書王時中卒山東黃縣人弘治庚戌進士

庚子元夕 上幸幽風亭頗悅召朱希忠崔元夏言翟繼善嚴嵩等觀燈

巡撫順天徐嵩以胡守中同事削籍

下各巡按御史覈邊工

壬寅吏部尚書許讚條選法諸弊團營兵部尚書劉天和條

營務 上是之

乙巳吏部左侍郎兼學士教習庶吉士

丁未夜木星犯左執法

庚戌召南京戶部右侍郎王暉于戶部山東左布政使侯綸


為右副都御史巡撫順天

二月壬子朔前南京吏部尚書吳一鵬卒字尚夫江南長洲人

國權

嘉靖二十一年

二



弘治癸丑進士授編修以侍讀忤瑾調外已復官南刑部員外郎轉禮部郎中瑾誅仍侍讀遷侍講學士出為南祭酒轉太常寺卿仍南京嘉靖初拜禮右轉左尋掌詹事府進尚書加太子少保予告器量寬然長者年八十三當時祭墓稿失贈太子太保謚文端

劉鳳曰皇始作制禮由是興折衷群儒顯定義經將非秩宗是賴飾私闡弘者乎中興之始業由茲抗而諸臣折音提或未允所稱終斷自睿明以克承神靈執已者澄後先惟鵬豈張桂作議不能依和傳會藉以寵榮而頌拂

違矯正有所自矜哉適有所合持不敢變雖折而從之曾莫之懲進退必由其以無忝股肱大臣之義其斯以為有

恒乎

庚申太子賓客吏部左侍郎兼學士張邦奇署詹事府


辛酉總督漕運右都御史王杲總理河道右副都御史郭持平奏睢州野雞岡原有支河通徐呂二洪比黃河衝截渦河南徙今可捍塞野雞岡通孫繼扈運李景運三口令水勢東行入于運河從之

丙寅吏部左侍郎兼學士張潮署院

國權

嘉靖二十一年

三



丁卯諭夏言疾愈免廷謝

己巳罷大同脩邊初兵部員外郎傅順上議竟詘于力

庚午山西三閩失事總督樊繼祖免巡撫陳講削籍總兵王

陞白爵戴罪立功餘分別治罪

虜寇蘭州

丁未兵科給事中胡賓以通州倉積粟六百餘萬石宜發糶

上謂輸京轉糶非許不許

乙亥巡撫應天右副都御史夏邦謨為南京戶部右侍郎

丙子召南京吏部右侍郎張治于吏部

丁丑南京刑部尚書周金改南戶部尚書

戊寅靈邱王聰漏以絳州卑隘求徙平陽避警不許命拓之

作山東臨清外城

己卯冊淑妃張氏貞妃馬氏

定京軍脫班之罰

庚辰停邊將養廉田其塞下過虜自闢者聽

三月壬午整飭直隸山西河南軍餉右僉都御史翟鵬為兵部


右侍郎兼右僉都御史總督山西軍務

東官廳總兵官周尚文老營堡參將段堂協守大同

國權

嘉靖二十一年

四



丁亥承天督工尚書顧璘上所輯興都志賜金幣仍下禮部
刪定

還莫氏土目裴行儉等六人

乙未南京大理寺卿王學夔為吏部左侍郎太常寺卿許成
名為南吏部右侍郎

丙申大學士夏言一品九載復少柳宴禮部

顧璘改南刑部尚書撫治鄖陽右副都御史喻茂堅改總理
糧儲兼巡撫順天

辛丑湖廣武昌地震

廣西知府趙 為陝西行太僕寺少卿初廣南隣交陞宋狄
青殺儂智高處儂遠孽至今為土酋未靖趙至諭儂任獬不
之立署教子弟束髮讀書如內地凡四年得編戶四十八里
七年還國初舊境得召用癸卯三月卒官


四月辛亥朔總督採木右副都御史戴金為大理寺卿侍讀學
士張袞為太常寺卿
壬子起閔楷南京兵部右侍郎浙江左布政使詹瀚為右副
都御史撫治鄖陽

甲寅夜月犯金星

國權

嘉靖二十一年

五



丙辰作南郊泰享殿撤大祀殿為之謂數歲來大享玄極寶殿非禮也

戊午秦王維焯周王朝垌及諸宗多捐助太廟上勞之已周府南陵王睦橫捐祿三之一以常祿止之

己未巡按直隸御史黎循典請墾山東鄆城費沂滕嶧閑田招流移給牛種從之

庚申西苑大高玄殿成

巡撫南贛右副都御史李顯為南京大理寺卿備對外藩不辛酉增江南松江府青浦縣

癸亥御史閔煦改編修兵部右侍郎楷之從子


癸酉大理寺左少卿虞守愚為右副都御史巡撫南贛汀漳吏部左侍郎張邦奇為禮部尚書是月山東魚臺盜平

丙子賑直隸順天永平

丁丑戶部尚書李如圭以翟鵬奏請益引一百萬濟餉上切責之

署都察院毛伯溫申明憲綱八事禁酷刑慎舉劾草駭擾懲勢豪省繁文明職守正士風備兩造上嘉納之

提督兩廣兵部右侍郎蔡經等討思恩九司叛苗悉平之



五月辛巳朔叙廣東瓊州平賊功

乙酉午日大宴百官于午門外

山西太原地震

給純德山守備都督僉事蔣華勅諭護營田土

壬辰賑延綏榆林

丁酉令太醫院藥貧民

武廟賢妃沈氏薨謚榮淑

戊戌上先禱雨太素殿至是雨群臣表賀

庚子戒諭琉球國王尚清初漳州陳貴等販海與國爭利相

殺傷長史蔡廷美遂幽貴等沒其貲尚清械貴等七人赴京

師也

丙午張元冲陳傑許天倫葛廷章齊文譽劉三畏劉養直李

綸周怡伍尚綸為給事中張汝棟王國楨為南京給事中陳

宗夔戴維師李天寵金城楊以誠鄭光浦裴紳賈大亨孫文

錫劉惟禴魯如思齊宗道朱徵項廷吉供為試御史韓一鳴


孫喬任良彭危行為南京試御史

戊申存問前少保大學士毛紀時年八十

己酉上手檢方藥濟疫

國權 嘉靖二十一年

七



閏五月辛亥甘肅巡撫兵部右侍郎陳卿失援蘭州落職

督木侍郎潘鑑為右都御史

定撫按舉劾初以毛伯溫言許六品以下徑問黜已吏科都

給事中沈良才奏府佐縣令不得擅

甲寅順天巡撫侯綸請綸百里內按伏防虜兵行餉以竊冒

不許

乙卯湖廣邵陽盜平

辛酉山東濟南地再震如雷

壬戌尚寶司卿詹榮為南京太僕寺少卿陝西左布政使底

蘊為右副都御史巡撫甘肅

丁卯固原隆德地震米脂大冰雹商州鎮安大水

戊辰虜復使石天爵款大同巡撫龍大有誘執之并殺滿受

禿滿客漢報功進兵部右侍郎餘各陞賞磔天爵傳首九塞

天爵語虜情詳甚云小王子九部駐青山好中國締綺而入

掠有得失不如貢也持符矢請貢市不妨再三否則大舉循

黃河東下自大原向東南亡堡寨屯勅兵大同三關待戰而


當事畏上威不以聞

楊守謙曰兵交使在其間况求貢乎殺一天爵何武借曰

國權

嘉靖二十一年

八



不許亦當善其辭乃購斬之此何理也橫挑強胡塗炭百萬至今無一人知其非者今之以貢為疑必曰宋以和議誤國不知此貢也非和也九夷八蠻皆許其貢何獨北虜而絕之

宣大總督翟鵬言虜必入寇右春坊右清紀郎周鈇言督臣傳入寇之期內而真保外而邊關當皆預畫近郊何輯遠村何收倒馬鴈門等關何備宣大薊遼何出屯何兵伏何地使戰守兵餉有餘乃為朕策

上以浮亂謫廬州知事

遼兵赴大同請益課 上以瀆奏負託奪鵬官罷總督不設


郭勛黨方士唐珠珊捕至戍邊子貢士輔編管塞上

清理兩淮 安廬揚徐滁驛傳徵金

六月辛巳 上手諭都察院列夏言罪狀布中外蓋欲科道糾之也而尚疑言之復用相顧莫敢發 上罪夏言擅署慈慶宮為東宮府羅織郭勛獄私輿苑中違所賜香巾不服軍國重事徑自家裁之

丙戌前應天府尹柴奇卒

丁亥安南都統莫登庸卒訃聞



辛卯聞警調游兵防守三關進揚時都督僉事節制主客兵

仍勅薊州嚴備并京戰城守

虜騎十餘萬自大同左衛入寇至朔州

庚子虜至山西馬邑

癸卯免西安鳳翔臨洮鞏昌田租

總理河道王以旂進兵部右侍郎

增東西官廳前後左右哨叅將徐府祁勳劉振蔡瑤

丙午虜陷沙溝墩

丁未虜犯太原大殺掠移營南犯平陽澤潞

贈羅田布衣萬福敦為清微清神霄演法真人陶仲文師也

善符水能白晝招鶴年九十三子朴薦授太常官不受

七月己酉朔日食

勅夏言閑任切責之

御史喬佑等給事中沈良才等始各劾夏言 上以前日緘

默下部院考課于是喬佑錢應揚楊傑高時鑄一級調用何

允魁章燦白賁朱麓黎脩典焦璉李臻余曠龍遂改外


前南京禮部右侍郎呂柟卒字仲禾高陵人正德戊辰進士

第一授脩撰言事忤瑾予告尋補官上章勸學復引疾去築

國權

嘉靖二十一年

十



東林書屋講學名聞朝鮮謂狀元呂柟主事馬理為中國人
才第一嘉靖初入朝屢言事謫解州判官丁亥轉南吏部考
功郎中歷尚寶卿太常少卿國子祭酒至今官俱南京孝友
儉朴學先立志重躬行不為玄論年六十四贈禮部尚書謚
文簡

何喬遠曰何塘

懷慶人

崔銑

安陽人

魏校

崑山人

舒芬

進

賢人

王道


武城人

嘉靖中稱篤行君子而高陵為粹然矣

溪田馬理曰呂先生之學醇如許文正而著述惟盛貞如
薛文清而知新則多

前南京刑部尚書周倫卒字伯明江南崑山人弘治己未進
士令新安拜御史忤瑾罰粟已復官歷南北刑部郎中遷大
理寺丞久之為大理少卿尋擢右僉都御史憂去起補南院
提督浙江轉右副都御史改南工部右侍郎尋改兵部轉左
進南刑部尚書未上改北又移南致仕所至少官謗年八十
贈太子少保謚康僖

庚戌官軍擊零虜于孝義之師同橋斬十三級始移營而北
徵宣薊兵防盧溝橋密雲總兵官祝雄分成黃花等鎮
甲寅豐城侯李顯總兵鎮湖廣



乙卯仍命翟鵬總督宣大

丁巳復并陞兵備副使

勅翟鵬督兵俟虜懸賞格嚴軍令遣科道官紀功

己巳周府臨汝王同街薨

壬申設沙河城守備

八月戊寅朔設延壽大齋于朝天宮三日

大同巡撫龍大有山西巡撫劉臬失事及叅政胡松等並免

宣府巡撫楚書保定巡撫劉隅延綏巡撫萬潮督理軍餉李

瀚等並調外

庚辰起趙錦巡撫大同李旺巡撫山西山西右叅政王儀陝

西右布政使任惟賢為右僉都御史巡撫宣府延綏而惟賢

見劾以河南左布政使張聽巡撫延綏

辛巳禮部尚書嚴嵩條邊事上嘉嘆得人之論令廷臣亟

察文武才名者以聞已疏入命再酌議錄用

徵各路忠勇之士復開餘監

壬午發十萬金賑山西殘虜者仍免租三年罷催糧主事官


淮府崇安王祐幹薨

乙酉 敬皇后小祥 上始御西角門視事

國權

嘉靖二十一年

十二



丁亥萬壽節御殿受賀

戊子虜四萬餘騎復寇山西朔州

癸巳進成國公朱希忠駙馬都尉崔元太保輔臣翟鑾少傅

兼謹身殿大學士嚴嵩兼武英殿大學士入閣仍署禮部免

奏事承旨

乙未吏科都給事中沈良才劾嵩貪污奸諂不宜玷命不聽

己亥團營兵部尚書劉天和戶部尚書李如圭並被劾天和

致仕如圭落職

廣西馬平諸徭作亂

壬寅孝康敬皇后主祔太廟

丙午周尚文為總兵官鎮守山西

九月戊申朔大亨玄極寶殿

己酉許翟鵬分兵便宜行事改巡撫陝西兵部右侍郎趙廷

瑞為戶部右侍郎總督糧餉

辛亥陽和衛百戶李錦通虜伏誅

甲寅脩顯陵稜恩殿舊邸龍飛殿命內官監太監黃錦同湖


廣巡撫陸杰督工

兵部尚書張璠兼督團營

國權

嘉靖二十一年

十三



丙辰右副都御史丁汝夔巡撫保定兼提督紫荆關

南京戶部尚書周金秩滿進太子少保

增山西叅將孫仁鍾繼楊崇高暘分守太原潞安平陽石隰

岢嵐

癸亥作祐國康民雷殿于太液池西命工部郎中趙愈和員外郎朱文質為植虞衡司員外郎劉魁言泰享殿大高玄等殿未竣又事雷殿無以寬民力請止之專事廟工上怒下鎮撫獄杖而錮之魁江西泰和人貢士歷任二十年所至植風節斥邪異時年五十餘矣

乙丑延綏提兵官任傑疾免


戊辰福建右布政使車純為右副都御史巡撫湖廣兼東左

叅政張岳為右僉都御史撫治鄖陽

己巳提督漕運右都御史王杲為戶部尚書

庚午提河右副都御史王以旂言運河仰藉山東諸泉今濬舊泉百七十有六新泉三十有一各隨入濟運第疏濬不繼尋就堙塞即設有官泉恐源多獨力難徧宜分責守臣兼其事從之

十月丁丑朔頒歷監生喧爭太常寺卿署祭酒張袞降南京太



僕寺少卿

免福建泉州水災田租

庚子南京吏部尚書聞淵改刑部尚書南京刑部右侍郎文

明為工部右侍郎起王道國子祭酒

壬寅四川建昌衛有大星如輪自北流南而沒有聲地如震

乙巳少保兼太子太保兵部尚書張瓚卒直隸滄州人弘治

乙丑進士授吏科給事中歷本兵十年貧庸專結中貴纖悉

必知得預備彈章亡慮數十終慰留又加恤焉嘗賜飛魚服

而瓚他衣尤奇麗上意其蟒中貴即傳瓚白白乃解酬中

貴八千金餘多類此贈太傅謚恭襄

四川威州地震

司業王同祖請改元延壽削籍

十一月丁未朔遣成國公朱希忠等告謝天地宗廟社稷嚴嵩

請詔告天下夫宮闈而秘密而悉揚之非盛世事也

辛亥工科給事中林廷壘覈功遠東巡撫孫禴報斬虜二百

餘級巡按御史胡良輔言建夷入鳳凰城殺守備李漢指揮


佟恩等部覆建夷非三衛比自討平董山以來五十六年宴

如也何猖獗至此故遣廷壘往

國權

嘉靖二十一年

十五




甲寅山西文城縣天鼓鳴


乙卯總理南京糧儲右副都御史李中卒江西吉水人正德

甲戌進士性好學居官亦有稱天啟初追謚莊介

丙辰命安南夷目莫福海襲都統使勅曰朕惟帝王以天下
為家一視同仁亡間近遠爾安南遠處南服世脩職貢近年
朝貢不至實惟爾祖登庸之罪已命官往討乃能悔罪改過
恭上降表備陳私相授受之非願獻土地人民聽朝廷處分
朕仰體天上好生之德俯順下民欲逸之情一切赦之實為
爾類永利也爾係嫡孫能備陳爾祖納款之誠屬續之言喜

承祖志特命襲職稱朝廷懷柔之意命禮部主事吳應奎中
書舍人李傳往使福海隨遣宣撫同知阮敬典僉事阮公儀
等入謝賚金爐瓶四金花一銀鶴銀臺各一銀爐瓶二銀盤
十二沉香六十斤速香百四十斤真降香三十枚犀角二十
象牙三十表曰臣祖莫登庸早由世蔭偶值時艱撫藩民流
離乖亂之餘保全有幸狃蠻俗傳襲因循之內專擅是虞曠
年久阻于比從一旦俄聞于震怒南闕待罪恐無地之可容
北闕馳忱賴有天之能白雷霆為霽雨露旋施霑沐湛恩冀
遂由衷之願諄勤遺囑不忘事主之誠并云初漸凜等四





洞民久不忘漢歲時舉正朔告先人服漢衣冠出峒始易之
屢結邊民訴督府求復輒杖死至是得歸
丁巳西安鳳翔固原地震
癸亥署太醫院工部尚書許紳進太子太保禮部尚書以藥
餌保聖功
乙丑鮑道明厲汝進胡叔廉李念為給事中洪廷貴楊九澤
林應箕艾朴喻時項問劉廷儀李和芳高節為試御史
前兵部左侍郎黎奭卒
壬申改毛伯溫兵部尚書仍兼團營

十二月丁丑前南京工部尚書陳雍卒浙江餘姚人成化庚辰

進士授工部主事累進今官致仕年九十贈

己卯南京兵部尚書熊浹改兵部尚書

廣東賊蔡子顯流劫贛州

戊子增河南武涉縣守備

己丑甘肅鎮夷所天鼓鳴

辛卯巡撫河南魏有本提改督南糧

洗馬兼侍讀徐階為祭酒

吏科給事中周怡言邊報方殷近日相臣之意氣何如各邊

總督戶兵二部之作用何如督撫更易經數月迄不聞建一
議畫一策為久遠計恐機會日失年復一年深為可憂 上
嘉納之

沙河城守備署都督僉事樂榮劾免命豐潤伯曹松守備

壬辰留考察調用官赴部候補

癸巳太子賓客吏部左侍郎張潮為禮部尚書兼詹事府仍
教習庶吉士


丙申脩太醫院三皇廟祀伏羲神農黃帝及配食三十四人
太宰籩豆簋簋專仲春仲冬上甲日著為令

丁酉左部左侍郎費宗改禮部左侍郎

起王堯封南京兵部尚書徐問南京禮部右侍郎張珩為右
副都御史巡撫寧夏河南按察使李宗樞為右僉都御史巡
撫河南 趙時春載張珩巡撫延綏軍新亂復凶飢躬茹蔬
糲一老妾衣布供炊斂公私所有以飽士 視公癯或勸加
食至相對流涕軍遂安

勅塞上墾田

庚子封融燒通渭王祐梯廬江王俊榭懷仁王厚燭高唐王
厚燔吉安王厚燠廣信王英坎通山王觀煇滋陽王勒煇彰



德王勒煌富陽王彥瀾唐年王厚熹南樂王
兵部主事劉鳳池劉燾往宣大贊畫總督翟鵬薦
癸卯發三十三萬金備宣大芻粟命戶部條餽屯田鹽法
并計歲用以聞

國權

嘉靖二十二年癸卯

正月丙午朔日食 上御殿免賀

己酉右副都御史萬潮卒江西進賢人正德辛未進士授寧

國推官擢禮部主事諫南巡廷杖削籍 上召用歷今官以

文學政事名

辛亥戶部左侍郎張漢改兵部左侍郎總理河道工部右侍

郎郭持平改南京刑部右侍郎


國權

嘉靖二十二年

一

鹽官設遷孺木著

國家圖書館, NATIONAL CENTRAL LIBRARY, TAIWAN, R.O.C.



改給山西三閩叅將勅

癸丑市馬山西分給太原石隰平陽潞安四營

甲寅詔各撫按以屬吏考課殿最送吏部備大計

錦衣衛都指揮僉事孫堪為前府僉書署都督僉事

丁巳起周用工部尚書總理河道戶部右侍郎王睟為左侍

郎巡撫江西汪玄錫為戶部右侍郎

戊午夜月犯鬼宿積屍

己未郎中林廷琛等主事周卿等御史蔡燾等俱以元旦失

朝謫外

辛酉貴州銅仁苗作亂流劫湖廣麻陽時苗首就撫麻陽知

縣朱崇方道長溪縛苗人致變

陳士元曰麻陽之役大臣開府于沅歲久而後事寧蓋亦

勤矣聞群蠻初起慮戍卒譙呵咬以利或以所掠為謝久

之益狎乃結諸好豪令先事為鄉道稍蠹食民之藏積當

事者慮激變因幸一切與之撫以苟目前于是群蠻有所

恃益驕恣不逞此其衅實華人階之罪非盡蠻奸悍也今

蠻徼雖安永言往事非後來烟鑑哉

密雲叅將改副總兵

國權

嘉靖二十二年

二

